



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU KONGRESNE NARODNE STRANKE ZAŠTITE PRAVA BORACA I GRAĐANA - PRAVDE I MORALA BIH

Broj: 03-07-6-560/17
Sarajevo, 02.07.2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Kongresne narodne stranke zaštite prava boraca i građana - pravde i morala BiH za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da Kongresna narodna stranka zaštite prava boraca i građana - pravde i morala BiH nije postupila u skladu sa odredbama člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Kongresne narodne stranke zaštite prava boraca i građana - pravde i morala BiH za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2016. godinu, Kongresna narodna stranka zaštite prava boraca i građana - pravde i morala BiH nije ostvarila prihode¹, što se vidi iz naredne tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Kongresna narodna stranka zaštite prava boraca i građana - pravde i morala BiH. Skraćeni naziv stranke je KNS BiH.

Kongresna narodna stranka zaštite prava boraca i građana - pravde i morala BiH je, Rješenjem Kantonalnog suda u Sarajevu broj: R-I-5/97 od 05.01.1998. godine, upisana u registar političkih organizacija. Rješenjem Općinskog suda u Sarajevu broj: 065-0-F1-12-000009 od 13.04.2012. godine upisana je promjena sjedišta stranke i lica ovlaštenih za njeno zastupanje.

Prema podacima iz Rješenja Općinskog suda u Sarajevu od 13.04.2012. godine sjedište stranke je u Sarajevu, ul. Bajrama Zenunija broj 3/II. Politička stranka u finansijskom izvještaju za 2016. godinu navodi glavno sjedište za administrativno-operativne poslove u Tuzli, Donje brdo broj 6.

Lice ovlašteno za zastupanje stranke je Enver Imširović, predsjednik.

Lice ovlašteno za podnošenje finansijskih izvještaja za 2016. godinu je Zlatija Šabanović.

¹ Politička stranka je dostavila Izjavu od 25.09.2017. godine da u obračunsko-izvještajnom periodu od 01.01. do 31.12.2016. godine nije imala nikakvih prihoda ni rashoda u odnosu na stanje iskazano u finansijskom izvještaju za 2015. godinu iz razloga što je transakcijski račun broj: 1544002000172314 kod Intesa SanPaolo banke blokiran od 2010. godine. Takođe, stranka je dostavila dopis od Intesa SanPaolo banke koja potvrđuje da tokom 2016. godine na transakcijskom računu stranke nije bilo promjena.

U godišnjem finansijskom izvještaju za 2016. godinu, u okviru teritorijalne organizacije političke stranke, Kongresna narodna stranka zaštite prava boraca i građana - pravde i morala BiH je navela Centralizovano poslovanje u Tuzli na adresi Donje brdo broj 6.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kongresne narodne stranke zaštite prava boraca i građana - pravde i morala BiH za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke, da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kongresne narodne stranke zaštite prava boraca i građana - pravde i morala BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Kongresne narodne stranke zaštite prava boraca i građana - pravde i morala BiH u periodu od 2005. do 2015. godine, nakon kojih su izdati izvještaji o pregledu sa mišljenjem revizora, nalazima i preporukama revizije. Nakon izvršenog pregleda godišnjeg finansijskog izvještaja za 2015. godinu, izdat je izvještaj o pregledu sa mišljenjem revizora, nalazima i preporukom stranci da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Kongresna narodna stranke zaštite prava boraca i građana - pravde i morala BiH nije ispoštovala datu preporuku revizije.

5. NALAZI I PREPORUKE

5.1 NALAZI

Kongresna narodna stranka zaštite prava boraca i građana - pravde i morala BiH nije postupila u skladu sa odredbama člana 12. stav (1)² i (4)³ Zakona o finansiranju političkih stranaka.

Na osnovu obavljenog pregleda, utvrđeno je da stranka nije uspostavila tačnu evidenciju o svojim obavezama i nije pojedine obrasce godišnjeg finansijskog izvještaja za 2016. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (1) i (4) Zakona o finansiranju političkih stranaka.

U obrascu 5 (obaveze političke stranke) godišnjeg finansijskog izvještaja za 2016. godinu, stranka nije iskazala obaveze, iako uvidom u finansijsku dokumentaciju stranke nije utvrđeno da su izmirene obaveze koje je stranka iskazala u finansijskom izvještaju za prethodnu 2015. godinu.

² Politička stranka vodi evidenciju o svojim приходima i rashodima.

³ Do 31.03. naredne godine stranka podnosi finansijski izvještaj u formi koju odobri Centralna izborna komisija BiH.

Stranka nije iskazala i obavezu u iznosu od 7.350,00 KM, po osnovu neplaćene kazne po pravosnažnoj odluci Centralne izborne komisije BiH, broj: 01-07-6-1389/09 od 19.03.2009. godine, čime je prekršila odredbe člana 24. Pravilnika.

Na osnovu revizijskih dokaza iz drugih izvora (Izveštaja o transakcijskim računima iz Jedinstvenog registra Centralne banke BiH⁴ i podataka svih nivoa vlasti u BiH o finansiranju političkih stranka iz budžeta), utvrđeno je da stranka nije ostvarila prihod niti promet po transakcijskom računu, što potvrđuje da stranka nije imala finansijskih aktivnosti tokom 2016. godine.

5.2 PREPORUKE

Preporučuje se Kongresnoj narodnoj stranci zaštite prava boraca i građana - pravde i morala BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da uspostavi potpune i tačne evidencije o svojim obavezama i***
- ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR

Politička stranka Kongresna narodna stranka zaštite prava boraca i građana – pravde i morala BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora

Šef Službe za reviziju

Mr.sc. Goran Cicović

Mr. sc. Hasida Gušić

⁴ Transakcijski račun stranke blokiran je 23.02.2010. godine.